




<b>REPUBLIKA E KOSOVES/REPUBLIKA KOSOVA/REPUBLIC OF KOSOVO</b> <b>AGJENCIA KUNDER KORRUPSIONIT</b> <b>AGENCIJA PROTIV KORRUPCIJE</b> <b>ANTI-CORRUPTION AGENCY</b>	
Dep. Dep. Dep. Nr. I faq. Broj stranica Nr. pages	2-D/DPK 02 02 01-1246/15 29.04.2015 <small>DOKU.NE</small>



**Republika e Kosovës**  
**Republika Kosova - Republic of Kosova**

**AGJENCIA KUNDËR KORRUPSIONIT**  
**AGENCIJA PROTIV KORRUPCIJE**  
**ANTI – CORRUPTION AGENCY**

Duke u bazuar në nenin 11 paragrafi 1.1, nenin 5 paragrafi 1.5 dhe nenin 18 paragrafi 10 dhe 11 të Ligjit nr. 03/L-159 për Agjencinë kundër Korruptionit si dhe nenin 24 paragrafi 11 dhe 12 të Rregullorës së Punës të Agjencisë kundër Korruptionit, Drejtori i Agjencisë kundër Korruptionit me datë 23.04.2015, nxjerr këtë:

**V E N D I M**

**I. Mbylllet rasti me Nr. AKK-03-02-502-15 për z. *Shaip Hajrizi – Këshilltar Komunal në Kuvendin e Prishtinës, dhe i zgjedhur Anëtar i Komisionit të Aksionarëve në Ndërmarrjen publike komunale “Hortikultura”, për shkak se nuk ka prova të mjaftueshme që argumentojnë situaten konflikt interesit në ushtrimin e funksionit publik.***

**Zyrtari i lartë, z. *Hajrizi, është i obliguar që në rast të paraqitjes eventuale të ndonjë situate me konflikt “rast për rast” të interesit, të bëjë deklarimin paraprak të interesave private (konform neni 13, paragrafi 1,2,3).***

**II. Rasti mund të rihapet në çdo kohë kur mund të paraqiten rrethana të reja.**

**A r s y e t i m**

**I. Rasti i hapur me kërkesën e palëve denoncuese nën dyshimin e bazuar për Konflikt interesit në ushtrimin e funksionit publik, me nr. AKK-03-02-502-15, për Zyrtarin e lartë, z. Shaip Hajrizi– Këshilltar Komunal në Kuvendin e Prishtinës, është trajtuar sipas procedurës së paraparë ligjore, për parandalimin e konfliktit të interesit në ushtrimin e funksionit publik (Ligi Nr. 04/L-051).**

Zyrtari i lartë, z.Hajrizi fillimisht është njoftuar me një shkresë zyrtare nga Agjencia kundër Korruptionit (AKK), pas të cilës ai është kontaktuar nga zyrtarët e Agjencisë kundër Korruptionit, me ç'rast është njoftuar me pretendimet nga pala e tretë për situatë të dyshuar për konfliktit interesit, duke qenë se z.Hajrizi në cilësinë e Këshilltarit Komunal në KK të Prishtinës në Seancën e jashtëzakonshme të datës 14 janar 2015 dhe në Seancën e rregulltë të Kuvendit të datës 05 shkurt 2015, gjatë procesit të diskutimeve dhe votimit, pretendohet se ka pasur Konflikt interesit me Vendimet e marra në KK të Prishtinës.

Në takim me z.Hajrizi, dhe në bazë të Ekstraktit të Procesverbalit nga Mbledhja e Kuvendit të Prishtinës, mbajtur me 05.02.2015 (DPK/DPKI-03-02-815/15) kemi vërtetuar se në atë Seancë së

pari me Vendim që ka dal nga votimi në Kuvend, janë shkarkuar Anëtarët e Komisioneve të Aksionarëve. Ndërsa, pastaj po ashtu pas votimit, është miratuar Vendimi për caktimin e Anëtarëve të Komisioneve të Aksionareve të Ndërmarrjeve publike të Komunës së Prishtinës.

Z.Shaip Hajrizi është propozuar dhe me votim është zgjedhur Anëtar i Komisionit të Aksionarëve të Ndërmarrjes publike komunale "Hortikultura".

Ndërsa pretendimi nga pala denoncuese se z.Hajrizi ka konflikt interesit në këtë emërim për faktin se djali i tij është punonjës në Hortikultura nuk qëndron.

Nuk qëndron për arsyen qenurit Anëtar i Komisionit të Aksionarëve të Ndërmarrjes publike "Hortikultura" nuk ja mohon të drejtën djalit të tij për të vazhduar me punë në të njëjtën ndërmarrje, por as që e ndalon zgjedhjen e tij për shkak se ka konflikt interesit me këtë punë.

Kjo lidhje, nëse eventualisht mund të sjell konflikt "rast për rast" të interesit, atëherë në situata të tilla, zyrtari i lartë, z.Shaip Hajrizi duhet që ta deklaroj atë dhe të tërhiqet nga vendimmarrja e tillë që do të bëhej shkak për lindjen e një konflikti të interesit (Neni 13, paragrafi 1, 2, 3).

Kurse, **nuk qëndron** as pretendimit i dytë i palës denoncuese se z.Hajrizi krahas funksioni te tij Këshilltar Komunal në Kuvendin e Prishtinës po ashtu është duke punuar në Ministrinë e Kulturës Rinisë dhe Sportit e që ka statusin e shërbypesit civil.

Kjo nuk qëndron, sepse z.Hajrizi, në Agjencinë kundër Korrupsion ka sjell një Vendim të nënshkruar nga Sekretari i Përgjithshëm i MKRS-së, (Nr.341/2014) me të cilin shihet se ai ka pezulluar pozitën e tij (Zyrtar në Arkiv) në këtë institucion.

Kjo e gjitha është bërë në pajtim me nenin 89 (paragrafi 1, pika 1.1 dhe 1.3 dhe paragrafi 2) të Ligjit nr.03/L-149 për Shërbimin Civil të Republikës së Kosovës dhe në bazë të nenit 10 (paragrafi 1 dhe 3 ) të Rregullores 01/2011 për Ndërprerjen, Pezullimin dhe Përfundimin e Marrëdhënies së Punës në Shërbimin Civil.

## II. Në pajtim me nenin 18 paragrafi 11 të Ligjit nr. 03/L-159 për Agjencinë kundër Korrupsionit. Agjencia mund të rihap rastin në çdo kohë nëse paraqiten rrethana të reja.

Andaj u vendos si në dispozitiv të këtij vendimi.

Vendimi iu dërgohet:

- Zyrtari i lartë publik
- Drejtorit të DPK-së
- Z./zpj. (zyrtari përgjegjës)
- Z./zpj. (zyrtari ndihmës)

Drejtor i Agjencisë kundër Korrupsionit

